

弘

簡

錄

弘簡錄卷二百四十一

明刑部員外郎仁和弘齋邵經邦學

皇清翰林院侍講學士四世孫遠平校閱

按記 金鹿官三

移刺道 奧屯囊 完顏蒲刺都

蒲察鄭留

兀顏訛出

帖割貞

女奚烈守愆

完顏團山

移刺益

夾谷石里哥

完顏阿里不孫

完顏鐵哥

納蘭胡魯刺

蒲察世達

劉天起

石抹仲溫

石抹元

烏古論禮

蒲察阿里

李木魯德裕

烏古論慶壽

木甲臣嘉

紇石烈桓端

移刺福僧

必蘭阿魯帶

幹勤合打

完顏琢

蒲察移刺都

木虎筠壽

烏林苔與

白華

移刺璉 范用吉

徒單兀典

附張升

移刺道本名按初辟掌山東東路宗室移刺古總管府簿書往來計議邊事宗弼愛其才召爲元帥府令史轉補尚書省特除監察御史再遷大理丞兼工部員外郎伐宋使督運芻糧會所在盜起道路梗澁海陵悉閉其狀因被杖責使督戰艦渡江大定二年累除工禮二部郎中奉詔招撫諸奚降抹白猛安下謀克徐列等謀克留住蒲葦白撒等遷御史中丞同修國史奉使河南勸課農桑密訪吏治得失還奏廉能官景州刺史耶律補進一階單州刺史石林靳家奴泰寧軍節副尹昇卿寧陵縣令監那彥濬州司候張匡福各進兩階伺秩滿陞除以稱百姓愛留之意貪污官濬州防禦同知蒲速越真定縣令特謀葛並免死決杖除名睢州同知烏古孫阿里補杖削四階非奉旨不得錄用道奉使稱職特改大典同知詔諭京師士民輻湊犯法者

衆罪狀自實毋爲文法所持一斷以公朕嘗論執政必不以小節苛譴卿勉副朕意俄遷刑部尚書坐當鞫訊尚厯局使宗夔副使石抹青徇私用官芻點檢烏林苔天錫囑使輕其罪以付大典府鞫治道及天錫皆解職尋起爲大理卿兼簽書樞密院事再遷西京留守卒

與屯襄木名添壽上京路人大定十年襲猛安以通練邊事舉授崇義軍節度副使改烏古里紉詳穩召爲都木少監改石州刺史未幾授平南鹽江將軍以功陞壽州防禦使遷河南路副統軍兼歸德府同知昌武軍節度使泰和六年從僕散朮伐宋遣揚兵下蔡聲言欲渡宋帥彭汝礪姚公佐悉銳師屯花橋以備崇慶初爲元帥左都監救西京至墨谷口一軍盡殪襄僅以身免坐訊除名明年授上京兵馬使宣宗卽位擢遼東路宣撫

副使未幾改述穎路節度使兼上京留守同知貞祐二年爲元帥右都監行北京元帥府事俄遷宣撫使兼留守與遼東宣撫蒲鮮萬奴宣差蒲察五斤不和詔諭上京遼東皆國家重地以卿等累效忠勤故委之腹心意其協力盡公以徇國家之急自今每事同心併力尚懲前過以圖後功明年正月萬奴反襲送爲宣差提控完顏習烈所害未幾習烈復爲其下所殺詔卹赦

北京

完顏蒲剌都西南路按出灰必剌罕猛安人克護術除泰定軍節度副使以憂去起復唐古部族節度副使徙安國軍移紮詳穩累官原州刺史坐買部內馬虧直奪一官降北京兵馬都指揮使歷遷寧遠軍刺史臨洮府并西京留守同知崇慶元年授鎮武軍節度使備禦有功會初置東西面經略司就克西而經

略使西京太原嵐州有警約爲應援時州郡皆不欲屬經畧司  
蒲刺上言管內太和嶺諸隘屯兵元帥府輒分臣兵萬二千以  
戍真定見兵不滿老羸者十七八臣死不足惜國家事不可不  
慮詔乃罷經略官入爲簽樞密院事改左副點檢四年遷兵部  
尚書典定元年致仕四年卒

蒲察鄭留字文叔東京路幹底必刺猛安人大定二十二年登  
第調高死主簿潯州司候累尚書省令史監察御史再歷北京  
臨潢按察副使臺臣奏其稱職遷陝西路按察順義軍節度使  
釋奠孔子廟鄭留引諸生叙齒列坐陳說古友悌諸事西京民  
李安兄弟爭財久訟不決因而感悟謝曰節使父母也誓不復  
爭更相讓而歸朔州多盜禁絕游食多蓄兵器因行春撫諭之  
亦爲衰息奏獄空賜錫宴錢以褒之改利涉軍節度使詔括馬

使百姓飼養以須旣而伐宋諸路馬皆瘦惟隆州馬肥大安初徙安國軍二年知慶陽府事三年夏人犯邊擊敗之至寧元年改知平涼府時新被兵夏人復來攻因招潰卒爲禦守計夏兵退遷官四階貞祐二年改東京留守致仕四年卒鄭留重厚寡言笑人不見其喜愠臨終取奏藁盡焚之

兀顏訛出虎隆安府猛安人與粘割貞俱登大定二十八年進士累除尚書省令史順天軍節度副使召授治書侍御史刑部員外戶部郎中出爲單州刺史河東北路按察副使大興府同秦州防禦使母憂起服泗州防禦使遷武寧河平二軍節度使兼都木監坐前在武寧奏軍功不實降沂州防禦使遷汾陽軍節度使兼經略使興定二年九月城破訛出虎死焉 粘割貞本名抄合西南路招討司人歷教授主簿川薦舉除河北大名

提刑知事察廉遷都轉運戶籍判官泰定軍節度副使父憂服闋改德興治中宣德州刺史貞祐初貞以禮部郎中攝國子祭與恩州刺史攝武衛副都指揮使粘割合達河間府判官攝順天軍節度同知梅只乞奴保州錄事攝永定節度副使伯德張奴出議和事二年議成賞銀幣玉此鵠轉戶部侍郎歷沁南河平鎮南集慶汾陽五年節度使四年改昭義軍充潞州經畧使興定二年入爲工部尚書山壽州伐宋攻正陽有功權元帥左都監守晉安府明年十一月城破貞與府官十餘人皆死之。

女奚烈守愚字仲晦本名胡里改門真定府路吾直克猛安人六歲知讀書既戲或謂食肉昏神乃戒不食性至孝年十五父歿營葬如禮治家有法鄉人稱之與完顏岡山乾石烈德俱登明昌二年進士調深澤主簿治有能遷懷仁令改弘文校理



至秘書郎秩滿爲臨沂令初下車有不逞五百輩結爲黨大擾境內聞其名散去蠲起芻密間獨不入境括地議行告者給賞萬州刺史教其奴告臨沂人得地積賞錢三百萬爲列冤狀徵還本主流民歸業立石以記其事母喪勺水不入口三日終喪未嘗至內寢服除授同知登聞檢院改著作郎永定軍節度副使泰和伐宋守愚爲山東行六部員外郎改大典都總管判官大安初除修起居注轉刑部員外戶部郎中太子左諭德貞祐初擢戶部侍郎數月拜諫議大夫提點近侍局二年轉保大軍節度使加翰林學士參議陝西路安撫使事完顏弼重其爲人每事咨而後行三年有疾詔賜御藥未幾卒守愚忠實無華孜孜公務殆天性然完顏闕山蓋州猛安人累調觀察判官補尚書省令史知管差除出爲河東南路轉運都轉運都勾判官

改南京警巡使毋憂起復南京按察判官遷沁南軍節度入爲  
工部尚書貞祐三年知京兆府四年改知鳳翔興定元年以權  
元帥右都監參議陝西行省伐宋諸軍事遇宋兵千餘伏吳寨  
谷關山率騎兵掩擊敗之追襲十五里殺三百餘人獲牛羊千  
計奉旨清野令百里之內止留桑棗菜木餘皆伐之行省胥鼎  
言方今秋收乃爲此舉旣不能禦敵而又害民非計也且一朝  
警急其所伐木豈不資敵乎乃止未幾改知平涼府敗宋人千  
步落塌香爐堡遷官一階三年召爲吏部尚書廷議選戶部官  
往往多舉聚斂苛刻以徇時尚關山獨不肯贊嘆民勞至矣復  
用此輩將何以堪識者稱之未幾以晉安行元帥府陀滿胡土  
門基刻命關山代之是歲十月遂卒 紇石烈德字廣之其定  
路山春猛安人調南京教授遷樞次令補尚書令史除泗州防

禦同知監察御史大名治中安曹裕三州刺史歷臨潢大興府  
同貞祐二年遷華州防禦使升爲武興軍節度使著宣撫  
司都提控華州被圍一日兵數接士殊死戰鑿陷馬奔伏甲拒  
守其旁食且盡有糧三百船在鴨子河去州五里不能至爲築  
甬道導深木扇之河船至城下民心稍安城圍亦解散東路  
轉運使軍民遠道挽留乘夜乃得去蒲鮮萬奴逼上京德與部  
將劉子元戰却之遷東京留守歷保靜武勝軍節度使典定二  
年德行六部事三年權元帥右都監行元帥府于宿州四年遷  
工部尚書明年召還中都卒

移刺益字子遷本名特末阿不中都路胡魯土猛安人以磨補  
國史院書寫積勞調徐州錄事叅軍召爲樞密院知法章宗立  
以爲應奉翰林文字遷翰林修撰時北邊有警太尉克寧銳欲

用兵益言天時未利宜俟後圖御史臺薦舉剛正可任遂兼監  
察御史未幾改戶部員外郎明昌三年近畿荒歉同十一人皆  
授刺史益得霸州入謝詔諭之曰親民之職惟在守令故道卿  
等往撫育之其資序有過弗及朕不計此但以材選爾其知之  
既至首出作粟以食饑者俸以下及郡人聞者遂出粟以佐之  
屬縣視以爲法多所全活郡東南有堤久圯增修築之木不爲  
害民便安之爲立生祠五年升遼東路提刑副使會宋主新立  
詔以泗州使客所經宜擇守臣卽授防禦使凡宰相所進擬  
上皆不許俄遷戶部侍郎轉兵部屬羣牧人叛命益同殿前都  
點檢充往招降之永安二年邊鄙弗寧詔同四品以上入議便  
殿奏言天子之兵當取萬全今惟以守爲便若王師輕出少有  
不利非惟損威且啓侵玩與當道不合出爲山東西路轉運使

奏勅使按鷹山東擾民上命治使者罪止令調於近甸尋遷河  
東南北路按察使上言舊制凡官有不職委所屬上司體訪仍  
許州府長貳幕職互相申舉此事有傷禮讓之風亦恐同官因  
之不睦別生姦弊乞止令按察司糾劾似爲得體益又言隨路  
黥軍官與富人會飲公通獻遺宜准監臨官於所部內犯罪究  
治上皆納焉泰和二年卒于官

夾谷石里哥上京路猛安人與完顏阿里不孫俱登明昌五年  
進士累調泰州防禦判官補尚書省令史歷臨潢婆速路都總  
管判官入爲刑部主事改薊州副提控駐軍大名俄遷翰林待  
制爲宿州提控從宣撫完顏弼攻大沐堦賊衆千餘逆賊擊以  
騎兵書殪之提控沒烈入自北門遂擒劉二祖以功遷武衛軍  
副都指揮使坐前在宿州掠良人爲生口當死特詔決杖徙洺

州防禦使山東路副統軍又坐不時進兵往宿遷取妻子解職起爲東平行軍提控典定元年石里哥破宋兵于宿州以功遷授安化軍節度使移定海軍卒完顏阿里不孫字彥成尙懶路秦中必刺猛安人調易州與忻州軍事判官安豐縣令補尚書省令史除興平軍節度副使應奉翰林文字轉修撰充胡沙虎帥府經歷坐罔楚州縱兵大掠不諫決杖五十大安初改戶部員外郎復爲虎西京行樞密院經歷改鈞與威州刺史貞祐初累遷國子祭酒歷越王與濮王傅平陽府同參本路宣撫副使召爲兵部侍郎遷翰林侍講學士元帥左都監轉河平軍節度使陝西遼東河北西路宣撫副使入爲御史中丞權右副元帥遼東路行尚書省事賜御衣廐馬安山甲權遼東路宣撫上京行省叅知政事蒲察五斤奏其功賜金百兩絹百疋典定元

年拜婆速路行尚書省參知政事承制得除刺史以下時蒲鮮  
萬奴侵掠婆速之境甫五斤入朝遼東兵勢愈弱留江山守華  
州亦懷去就參議官伯德胡土遂有異志宣撫使海奴不迎制  
使坐而受詔阿里不孫械繫之矯稱有詔大赦諸道衆乃稍安  
胡土與知廣寧府溫迪罕青狗約爲兄弟內忌阿里不孫宣撫  
蒲察移刺都奏二人不協無使相隸宣宗使召青狗青狗不受  
詔阿里不孫殺之胡土懷怨乃以兵戕殺阿里不孫權都監納  
合裕與監軍溫迪罕哥不爾參議軍事郭澍謀誅胡土未敢發  
會五斤遣副留守夾谷愛荅左右司員外郎抹撚獨魯詣裕計  
事以謀告之二人許諾乃召胡土至帳中殺之阿里不孫寬厚  
愛人敏於吏事能治劇要識者以爲用之未盡及是贈平章政  
事封芮國公授裕左都監進哥不爾一階遷愛荅獨魯二官澍

真授東平判官

完顏鐵哥性淳直體貌雄偉粗通書襲父速頰路曷懶合打猛  
安授廣威將軍御下惠愛察廉除臨海軍節度副使改底刺兀  
詳穩爲丞相襄北征先鋒萬戶有功母憂服除遷武勝軍節度  
同知克元帥完顏匡副統號平南盪江將軍攻光化軍王統制  
引步騎出東門逆戰因擊却之拔鹿角奪門以入遂克其城前  
驅攻襄陽獲生口知可涉處陰植標以識導六軍至鐵哥導之  
畢濟屢戰皆捷以勞進官圍德安總領攻城築壘于南鳳凰臺  
並城作甬道立鸞車對獲擊走張制兵將退屯鄧州兵  
罷遷臨潢府同知改西南路副招討宿州防禦使貞祐二年充  
樞密使徙單度移刺以鐵哥充都統入衛中都遷東北路招討  
使兼德昌軍節度使蒲鮮萬奴忌其兵強驟取所部騎兵二千



鐵哥察其有異志不遣宜撫使承充召赴上京命伐蒲與路既還適以萬奴代承充據前不發軍罪下獄被害諡勇毅

納蘭胡魯刺大名路怕魯歡猛安人性淳直寡言笑好讀書博通今古登永安二年進士第一除應奉翰林文字被詔括牛于臨潢上京等路丞相襲家奴在華州匿牛不報械正其罪盡括所匿自此豪民皆懼使還襄稱其能居父喪盡禮御史舉其清節服除轉修撰平章僕散端舉廉能有文米遷順天軍節度同知從伐宋以勞加朝請大夫改禮部員外郎歷曹與沃州刺史豪民僕散掃合立私渡於定陶籍逃兵盜劫爲囊橐累政莫敢問胡魯刺悉捕治之窮竟其黨閹郡肅然久之遷南京路按察副使貞祐二年改泗州防禦使召爲吏部侍郎除絳陽軍節度使兵興權河東南路宜撫副使是時兵興胡魯刺完城郭繕器

械料才壯爲鄉兵延問耆老招致儒士各以備禦之策儲侍隨  
米勸富民出粟郡賴以完賜詔褒諭加資善大夫其次子吾中  
改權經略使被召以疾不能行卒于絳州

蒲察世達字正夫泰和三年進士由翰林直學士至左司郎中  
同簽樞密院事遷御史中丞司農卿充益政院官皆稱上意與  
元帥完顏忽土奉迎哀宗至歸德卽命知府事行戶部尚書蒲  
察官奴再議率兵北渡女魯懽不可遣與都轉運張俊民劉天  
起往陳州督糧運以元帥李璘王葉護之值李順兒亂世達亦  
與者從尋問道之汴復遇崔立之亂徒步往行在上憫其非出  
得已照舊錄用以爲吏部侍郎行六部尚書其年九月蔡城戒  
嚴請諭民併收晚田不及者踐毀之恐大兵將至徒以資敵詔  
可特西面元帥把撒合亦單其家自投歸蔡與護衛蒲鮮石魯

負祖宗御容亦來至上謂二人其一掌兵其一宿衛遇變吏手於人曾不聞發一矢今雖來歸待以不死足以示恩不可與世達等量用撤合爲北門都尉錄于本軍都統石魯復充護衛惟天起與唐括招撫咸不屈而死。劉天起本起匹夫初甚庸鄙汴京戒嚴嘗上書于君相願暫假一職以自効每言戰國兵法平章白撒等信之令在景德寺監造革車三千輛天興元年得召見授都招撫使佩以金符同輩皆笑其僥倖及至陳行軍殊有方畧每出戰數立奇功陳人甚倚重之時以多事故贈典不及

石抹仲溫本名老斡與元皆懿州路胡土虎猛安人充護衛十人長太子僕正除武寧軍節度同知宿直將軍器物局使改左衛將軍左副點檢坐征契丹逗遛降蔡州防禦使泰和中轉知

臨洮府泰和中伐宋青宜可內附在其管內預有勞効進爵二級加賜銀幣詔諸事量宜而行已同諸道進兵以隴右步騎五千出鹽川兵罷收知河中府崇慶初遷陝西統軍使貞祐二年宋人攻秦州率兵敗之仲溫尋充本路安撫使改鎮南軍節度使致仕興定三年卒石抹元字希明七歲喪父旁無兄弟號泣不食者數日十三復居母喪如成人長補樞密院尚書省譯史調息州軍事詞知遷監察御史復爲滄州同知捕獲劇盜劉奇久爲民患密聞赦至亟杖殺之闔郡稱快改大典府判官沂王府司馬沁南軍節度副使河內民家多美楹歲獲厚利仇家夜發毀之誣爲劫財賊不可得究得其情爲白其罪尋改河北西路轉運副使累遷河北山東西路轉運副使貞祐初黃擱吾典徵兵東平擁衆不進大括民財衆皆忿怨副統僕撒掃合殺

之於坐取佩其符縱恣尤甚元密疏劾以擅殺近臣無上不道  
掃合坐誅貞祐元年移知濟南府到官六月卒生平寡言笑尚  
節儉居官自守不交權要人以是稱之

烏古論禮本名六斤益都猛安人充習騎累擢近侍局直長轉  
本局副使左衛副將軍坐受克王永成名馬玉帶杖削官職起  
爲蒲速碗鞏收副使改武庫署令宿直將軍出爲順州刺史武  
寧軍節度使泰和伐宋爲山東路兵馬都統副使罷兵改節安  
化軍大安三年兼河南副統軍歷知歸德河南府至寧初改知  
太原府貞祐二年兼河東北路安撫使三年充本路宣撫使在  
任所行多不法又不肯分兵禦敵爲副使古里石倫所論詔罷  
其職頃之太原被圍復起兼左副元帥遣人間道責誓書告急  
詔發潞州元帥府平陽河中絳孟宣撫司兵援之四年圍解進

官二階與定三年卒

蒲察阿里與州路人以磨補官。護衛十人長武器署令轉宿直將軍。遷右衛副將軍。宋兵犯分道。鎗馳驛赴邊。伺其入掩。以伏兵敗之。改提點器物局。從完顏匡伐宋。爲副統。取宜城。縣有功。遷武衛軍副都指揮使。大安元年。爲南京留守。同知累轉壽州防禦。與平軍節度使崇慶初。爲元帥右都監。明年。轉左都城。被圍。率師赴援。道路梗塞。山太原至真定。抵中山。不克進。貞祐二年。移駐大名。徵河南鎮防軍。圖再來。衆憚於行。因言阿里遇之有厚薄。軍變。遇害。衆因逃散。宜宗詔完顏弼安集其軍。赦首惡。以下河南統軍司。更加撫諭。

字木魯德裕。本名蒲刺都。隆安路猛安人。補樞密院尚書省令史。右三部檢法監察御史。遷少府監丞。明昌末。修北邊濠。壅立

堡寨以勞進三階授大理正母憂起復除廣寧治中歷順州濱  
州刺史坐前在順州市物虧直遇赦改刺密州累官北京路按  
察使太子詹事元帥左都監遷左監軍兼臨潢府路兵馬都總  
管御史劾其損失士馬隱蔽都統按帶擅率官兵救護家屬逮  
獄遇赦謫寧海州刺史稍遷泗州防禦使武勝軍節度使貞祐  
二年改知臨洮府事兼陝西路副統軍召爲御史中丞拜大名  
行省參知政事兼簽樞密院事行尚書省于大名中都危急詔  
發大名河間清滄觀霸河南等兵往救并護清滄糧德裕運發  
不以時責授沂州防禦使尋知益都府事興定元年二月卒  
烏古論慶壽河北西路猛安人由知把魯衛充奉御除近侍局  
直長至本局使禦邊有勞進一階賜金帶泰和四年遷本局提  
點時議開通州漕河詔令按視旣成賜銀幣從完顏匡伐宋令

出唐鄧爲先鋒都統賜御弓二以騎兵八十攻下棗陽又遣引  
兵五千扼赤岸斷襄漢路與宋兵遇斬首五百殺宋將雷太尉  
遜去遂克隨州潰宋鄧城樊城戍兵與大軍同渡江圍襄陽匡  
表薦謀略出衆遷拱衛直都指揮使汝州南有鴉路舊屯兵四  
千共三千在襄城縣去汝州遠離許州僅兩舍請割隸許州從  
之八年罷兵遷兩階賜銀幣有疾又賜御藥衛紹王卽位改左  
副點檢坐與黃門李新喜題品諸王免死除名久之起爲保安  
州刺史歷延安府同知西北西南招討副使棗州防禦使典平  
軍節度使貞祐二年遷元帥右都監以保全平州功進官賜金  
吐鶻弁重弊遷汴爲右副點檢兼侍衛親軍副都指揮使閱月  
知大興府轉知彰德中都危急轉左都監將大名河北并西南  
路步騎數萬往救兵潰不加之罰改知大名權宜撫使未幾知



河中府權河東南路宣撫副使四年遷元帥右監軍兼陝西統軍使駐兵延安敗夏人于安塞保賊于鄜州之倉曲谷有功興定元年高琪遣往南伐敗宋兵于泥河灣石壕村斬首三千級大獲牛馬器械復破宋兵七千於樊城縣既而以軍士多被傷奏不以實詔有司鞫問已而釋之歷鎮南集慶軍節度使卒

木甲臣嘉北京路猛安人襲父謀克隸陝西完顏綱伐宋歷通與海州軍事同知貞祐二年除武器署丞救集寧有功遷河南統軍判官拱衛直副都指揮使河南治中遷領綏州刺史兼延安治中就遷同知改河間興定元年行樞密院于壽州復伐宋由壽泗渡淮破宋兵三千於漸州灘斬三百級駐霍丘柢岡村縱輕騎抄掠蹂踐宋境焚毀積聚獲宋諜者張聰知宋兵二千屯高柳橋其寨兩城環之以水道聰持諜者招之不從先令木

徑渡攻之軍士牛青操戈刺門卒皆披靡散去遂登陴大軍繼進平其寨而還復遇宋兵數千於梅景村設伏林間誘以涉卒既至伏發宋兵潰追奔十餘里生擒其將阮世安等五人獲器仗甚衆二年賞臣嘉功升職一等遷元帥右都監充陝西行省叅議官四年兼金安軍節度使五年改知延安府轉左都監駐兵京兆元光元年卒

紇石烈桓端西南路忽論宋割猛安人襲兄銀木可謀克泰和伐宋克行軍萬戶破宋兵二千於蔡州加宣武將軍自壽州渡淮敗宋步騎萬五千于鵝子嶺遂克安豐軍還除懷遠軍節度同知權木典札詳穩大安三年西京行省遷充合扎萬戶遷授清州防禦同知改典平顯德軍節度副使徙東路宣撫司都統改移剌留哥萬五千衆于御河寨奪車數千輔降萬餘人加

驍騎衛上將軍暹授順天軍節度同知貞祐二年爲首義勦拔  
控邊速路兵馬都總管同知貞祐二年消解萬奴叛取咸平東  
京濟澄諸州及猛安謀克人多從之桓端遣都統溫廸罕怕哥  
董擊却其步騎九千餘四月復掠上古城遣都統兀顏鉢轄拒  
戰萬奴別遣五千人攻望雲驛都統與屯馬和尚夾谷合打  
破其衆數千于三义里五月都統溫廸罕福壽攻萬奴之衆于  
大寧鎮拔其壘而殲之九月萬奴衆九千出宜風及易池桓端  
率兵與戰其衆潰去因招唃吉幹等十一猛安復來附擇其丁  
男補軍攻城邑之未下者四年遣王汝弼由海道奏事宣宗嘉  
其功擢桓端遼海軍節度同知行府事婆速路溫甲海世襲猛  
安遷樞同知溫廸罕哥不竊顯德軍節度使兼婆速路府治中樞  
判官前修注裴滿按帶升二等汝弼升四等有功將士皆遷賞

是歲改邳州刺史充徐州界都提控波紅襪賊數萬于黃山賊  
復來戰薄其衆走保北山追擊敗之溺死沂水甚衆賊圍沂州  
防禦同知僕散撒合突陷求救桓端率兵赴之撒合還入沂州  
相與內外夾擊殺萬餘人賊乃去僕散安貞奏功言桓端天資  
忠實深有計畫曉習軍事撒合勇而有謀皆得軍民心乞加擢  
用進桓端金紫光祿大夫兼武寧軍節度同知召爲勸農副使  
充都提控屯陳州興定元年自新息渡淮伐宋破沙度店至定  
城以少擊衆戰不留行未幾充宣差叅議官復渡淮連破宋兵  
獲其將沈俊遷武衛軍副都指揮至都指揮使宋人城守不出  
分兵攻其山寨水堡殺獲甚衆二年遷鎮南軍節度使權息州  
行元帥舊都監敗宋兵于光州并信陽軍遣人獻捷徐州行院  
石蓋女魯歡剛復自用詔權簽樞密院事往代之四年冬奏宋

人與李全將併力來攻當預爲之防樞密院召桓端與朝臣而議五年正月至京疾病不能入見賜太醫御藥力疾草奏上防河數策大畧以南北皆用兵當豫防其患遂卒年四十五勅有司給喪事

移刺福僧東北路烏連苦河猛安人以蔭補吏部并樞密院令史調滕州軍事判官歷甄官署直長幽王府司馬順義軍節度副使聞部內猛安木吞掠民婦女藏之窟室人無敢發福僧跡其所在率衆入索之果得四十三人抵木吞罪徙橫海軍轉開遠軍節度同知簽北京臨潢按察事歷興中府治中莫州沃州刺史上言沿邊軍官私役軍人邊防不治及擾動等事詔尚書省行之大安初復任興中府同知督民繕城浚濠爲禦守計頃之兵至攻其北城旣接戰使備其西游暮果來攻以有備解去

尋改廣寧崇慶元年秋被牒如隣郡兵遂薶城其子銅和尚率家奴拒戰城賴以完福僧還悉故奴爲良終不言子之功識者多之未幾克遼東宣撫副使歲饑福僧出沿海會粟先賑而後奏優詔獎諭至寧元年除羣王傅兼吏部郎中胡沙虎作難稱疾不出封爲澤王百官皆賀亦不往虎欲罪之被誅而免詔除壽州防禦使貞祐三年遷山東西道按察轉運使久之致仕與定二年福僧上書今兵寡少且無騎兵惟先招徠亂人選擇舊有宿望雄辨者諭以恩信彼若內附然後中都可復遼東可通今西北多虛芻量調度仰給河南賦役類繁民力疲弊矧山東殘破羣盜滿野若宋人資以糧餉假以官爵爲忠愈大當選才幹官充宜差招補以恩諭使復業募其壯悍爲兵且宜開宋人講和之端撫定河朔養兵蓄銳策之上也自承安用兵軍中設

監戰官論議之間。動相矛盾。不懲其失。反以爲法。寧不敗事。書奏朝廷。略施川焉。元光元年卒。

必蘭阿魯帶貞祐初。以義軍總領累官。寧化州刺史。同知莫定府事。權河北大名宣撫副使。繕完州縣之可守者。其不可守者。遷徙其民。依險爲柵。以備緩急。三年。以保全贊皇功。遷授安武庫節度使。復改昭義軍。澤州舊隸昭義。阿魯帶奏城郭堅完。器械俱備。近聞改隸孟州。議遷鎮青蓮寺。山寨距州既遠。地形狹隘。一旦有急。徒棄名城。以失太行之險。沁南諸州。音問將不復通。詔乃不更。開月權元帥左都監。行帥府事。遣都統粵屯喜哥。復取威州。及獲鹿縣。朝議患糧不繼。詔擇義軍爲三等。復奏言。其不便。自去歲初。置帥府。已按閱本軍。去其冗食。部分既定。上下相親。故能所向成功。矧經屢試血戰。俱可父子兄弟。自相救

援各顧其家。心一力齊。勢不可離。今潞州以北。卽爲異境。日常備戰。事勢方殷。一旦分別等第。以挫其氣。將心疲力懈。而不可用。且義軍率皆農民。近已散歸田畝。趨時力作。徵集旬日。歲計廢失。乞從本府所定。無輕變易。詔許之。遺守潼關未幾。失守。趨備藍田。商州行次。沔池遇大兵。被剝。收集潰卒。臥病數日。詔復還潞。興定元年。改簽樞密院事。數月爲元帥。左監軍兼山東路統軍使。知益都府事。權行省。叅知政事。管陳河北利害。今忻代撤戍太原帥府。衆纔數千。平陽行省兵亦不多。河東河北之勢。全恃潞州。潞兵強。則國家基本漸可復立。朝廷偉其議。因復置潞州帥府。舉遼州刺史郭文振以爲將。及張開代領其衆。與文振不相能。遂不能守。

幹勒合打蓋州木得山猛安人以廢補官克護衛親軍調陰山



尉縣當兵衝嘗率土豪官兵身先行陣貞祐初以功遷本縣令  
縣升爲忠州以充刺史州被兵久耕桑俱廢詔徙其民于太和  
嶺南遷授合打太原府同知仍領其衆俄除彰德軍節度使權  
河東北路宣撫副使督糧餉往代州合打不欲行與宣撫完顏  
伯嘉爭辨恐其間奏乃先奏旨嘉雅與西京留守同知兼臺州  
史完顏琢善徙居代州肆爲侵掠遷授太原治中權堅州刺史  
完顏斜烈私離邊面惡臣而自遣往護糧不給兵仗祇付羸卒  
數百怒臣復言榜掠幾死臣立功累年頗有寸效伯嘉挾私陵  
轢無復宣撫同僚之禮上降詔和解太原兵衝若以私忿廢國  
事朕何賴焉自今同心戮力以分北顧之憂無執前非致誤大  
計俄改武寧軍節度使御史臺奏乞審正是非若所訴伯嘉是  
實安得無罪若果誣言應坐合打欺罔明示黜陟宣宗與宰相

言今正防秋且已數月召爲勸農使久之爲金安軍節度使與定元年歷知河間府權元帥右都監駐兵蔡息間權同簽樞密院事守河清改知歸德府事屢守邊要無他將畧雖未嘗敗北亦無大功元光元年卒

完顏琢本姓程名琢不知何郡人貞祐四年震武節度使完顏伯嘉奏言西京副統程琢智勇過人持心忠孝以私財募壯士復取渾源白登有恢復山西之志輒擬琢昭勇大將軍同知西京留守事兼領一路義軍給以空名勅二十道制可仍賜姓夾谷氏琢請賜國姓詔更賜完顏氏會伯嘉與翰勒合打有隙因劾奏琢恃與伯嘉雅善居代州不法狀有詔和解之而行省胥鼎奏近聞諸隘並無琢兵乃白翠太原之衆剽掠五臺乞徙琢內地分處其衆以備不測之變宰臣奏遣太原帥府烏古論德

升召琢回奏琢兵數萬分屯代州諸險拒戰甚力且其衆烏合非琢不可制時琢方招降人謀復山西古里甲石倫言其恣爲侵擾雖曰不煩官廩實則攘劫民粟戕殺無辜乞令帥府禁止旣而琢寓軍平定之石仁寨本州提控閻德用素桀驁者姦謀州刺史范鐸不能制委曲容庇之典定二年德用率所部掩襲殺琢及官屬程珪等百餘人遂據石仁寨鐸懼挈家奔太原德用乃入居平定州鐸因被誅

蒲察移刺都東京猛安人太子太傅致仕吾迭之子勇健多力充護衛十人長調秦州防禦同知武衛軍鈐轄以憂去起復武器署令從軍兵潰被執貞祐二年與降兵萬餘俱脫歸遷隆安府治中賜銀幣遙授信州刺史有功遷蒲與路節度使兼上京留守同知進三階改知隆安府逾年充遼東上京等路宣撫使

再閱月就拜上京行省尚書右丞移刺都在任多腥毗殺人與  
蒲察五斤爭權及賣隆安戰馬擅造銀牌已而矯稱宣召竟赴  
南京宣宗皆釋不問久乃知河南府改元帥左監軍權左副元  
帥充陝西行省參議官無何兼陝西路統軍使興定二年改簽  
樞密院事權右副元帥行樞密院於鄧州御史臺奏劾其在軍  
中買沙覆道盜用官銀矯制收禁書指斥鑾輿使親軍守門護  
衛押宿擬前後衛仗婢妾效內人粧飾等數事詔吏部尚書阿  
不罕糾不失鞠之移刺都坐誅

木虎筠壽貞祐間爲器物局直長遷副使三年七月工部下開  
封市白牯取皮治御用鞠仗筠壽以其家所有鞠仗以進因奏  
白中都食盡陛下遠棄廟社當坐薪懸膽奈何以毬鞠細物動  
播民間使屠宰耕牛以供不急之用非所以示百姓也宣宗不

傑擢仗籠中明日出筠壽爲橋西提控

烏林答與本名合住大名路納都必刺猛安人充奉職奉御尚  
食局直長兼頓舍除監察御史累官武勝軍節度使北京按察  
轉運使太子詹事武衛軍都指揮使貞祐二年知東平府事權  
宣撫副使改西安軍節度使入爲兵部尚書上言按察轉運司  
拘榷錢穀糾彈非違此平時之治法今四方兵動民心未定軍  
士動見刻削乞權罷按察及勸農使又東平屯兵萬餘可運濱  
監易糧芻給之潼關及黃河津要將校皆出卒伍類庸懦不可  
用乞選材勇者代之又充曹濮潞諸郡皆可屯重兵勅州縣官  
勸民力穡至於防秋則清野保城下尚書省竟不施行又奏新  
制科買軍器材物稽緩者並的決此令若行有司益嚴督責民  
將不堪可量罰月俸從之俄坐前在陝州市物虧直降鄭州防

禦使尋召爲拱衛直都指揮使復爲兵部尚書典定三年率

白華字文舉。廣州人。貞祐三年登第。爲應奉翰林文字。正大初

累遷樞密院奏事官。國制。凡密院上下所倚任。其職有三。一曰

承受。聖旨。凡院官奏事。或上處分。獨召奏事官付之。多至一二

百言。或直傳上旨。辭多者。卽與近侍局官批寫。二曰奏事。謂事

有區處。當取奏裁者。每嫌辭費。必欲言簡意明。退而奉行。卽立

文字。謂之檢目。三口議事。凡省院官上殿。默記所議事。議定歸

院。亦立檢目呈覆。有疑則復稟。無則付掾史施行。其赴省議者。

議既定。亦留奏事官與左右司同立奏草。回覆諸相。無同無異。

則右司奏上。三者之外。又有曰備顧問。如軍馬糧草器械軍帥

部曲名數。與夫屯駐地里。阨塞遠近之類。及省院一切事務。其

職爲甚難。上悅其辭辨。故以華處之。五年秋。增築歸德城。掘工

數百萬遣往和役。見行院李辛語。以民勞朝廷愛養之意。減工三之一。六年擢權樞密院判官。一日上召諭李全。睥睨山東久必爲患。今乘國事稍緩。可令忠孝軍總領蒲察定住權監軍。率所統軍并發都尉司步軍萬人。以戶部郎中刁璧經歷王仲澤爲參謀。同往沂海界招之不從。則以軍馬從事。對曰。臣謂全特一猾寇。借大兵之勢。以要宋人。供餽何足介懷。所慮與我爭天下者元耳。今元方有事。未暇南圖。一旦事定。必來攻矣。爲今計者。姑養士馬。以備元使。全果有不軌之謀。亦當發於元朝。息兵之日。上沉思良久。令且退。容我更思。明日遣定住還屯尉氏。時陝西兵大勢已去。留脫武藥駐慶陽。以擾河朔。且有攻河中之耗。而衛州帥府與恒山公府並立。慮一旦有警。節制不一。欲合二府爲一。又恐其不和。命華往經畫之。諭以向者合喜蒲阿皆

武夫一語不相入便爲齟齬害事非細賴汝調停今衛州之委亦前日調停之意也既又遣往邢州密諭蒲阿纔候春首當事慶陽往回六日如期而還上曰我見汝從來凡語及征進必有難色何今日此舉特銳於平時華曰向日用兵以南征及討李全之事梗之不能專意於北今日事至於此不得不一舉大軍人界已三百餘里若縱之令下秦川後必難救終當一戰推之與其戰於近裏之平川不若戰於近邊之險隘上然之及慶陽聞解上奏凡今之計兵食爲急除密院已定忠孝軍及都尉司馬步軍足爲戰資此外應河南府州亦須簽檢防城軍秋聚春放依古務農講武之法各令防本處城池以今見在九十七萬無致他日爲資敵之用七年五月上遣侍局副使七斤傳旨云朕用汝爲院官非資汝將兵對壘第欲汝立軍中綱紀發遣文



移和睦將帥究察非違至於軍伍之門習器仗之修整皆汝所職其悉力國家以稱朕意時以得君見妒同輩以語憾之而權院判完顏忽魯刺有口辯上加愛幸朝議以爲罪天興元年因河中府破京城被攻併樞密院歸尚書省以宰相兼樞密左右司首領兼經歷官遂皆退罷十二月朔上遣近侍局提點曳刺粘古卽華所居問事勢華附奏百姓耕稼已廢糧斛將盡車駕嘗出就外兵遣使告語北朝我非他處收整軍馬止以軍卒擅誅唐虞遂絕和議今付皇兄荆王使之監國任其裁處乞我一二州以老如此則太后皇族可存聖主亦得少寬矣乃復起二人爲右司郎中召諭之曰親巡之計已決但所往羣議未定華言歸德城雖堅久而食盡坐以待斃決不可往欲沿西山入鄧又汝州有速不解斷不能往以今日事勢止有背城力戰與之

一決外則可以激三軍之氣內則可以慰都人之心或止爲避  
遷之計人心顧戀家業未必毅然從行可詳審之時平章禾速  
嘉兀地不元師猶兒高顯王義深俱主歸德之議丞相賽不主  
鄧議竟不能決明日集軍士於大慶殿諭以京城食盡上擬親  
出諭訖合辭奏曰聖主不可親出止可命將三軍欣然願爲國  
家効死上採輿議欲以官奴爲馬軍帥顯爲步軍帥劉益副之  
三人者亦欲奉命權參政訛出大罵云汝輩把鋤不知高下國  
家大事敢易承耶衆默然丞相言前日巡守之議已定止爲一  
白華都改却今往汝州就軍馬索戰去矣遂擇日祭太廟誓師  
擬以二十五日啓行是月晦車駕至黃陵岡復有北幸之議時  
所在父老僧道獻食及牛酒犒軍者相屬上親爲撫慰人人感  
泣乃赦河朔招集兵糧條畫赦文十餘款分道傳送十五日幸

相與諸帥共議上欲與李左丞郎中忽魯刺先下歸德令諸軍  
並北岸行至鳳池渡河夜半遂擁帝登舟軍資一切悉棄止令  
忠孝軍上船餘悉隨軍用大軍覺之兵遂潰時粘古之兄瑗爲  
鄧州節度使兼行樞密院事華欲召鄧兵入投既至以事久不  
濟池留于館會瑗以鄧歸宋華亦從至襄陽宋署華爲制幹又  
改均州提督與范用吉殺均之長吏送欵于元因而北歸特議  
貶其夙儒貴顯國危不能以義自處聲名故掃地云移刺瑗  
字廷玉本名粘合世襲契丹猛安累功鄧州便宜總帥既至襄  
陽使更姓名稱歸正人劉介令具將校禮謁制使瑗大悔恨明  
年三月疽發背死范用吉者本姓字未魯名久住初入宋謁  
制使趙范將以計動其心故更姓名范用吉趙怒其觸諱斥之  
久之方悟且利其事與已符遂擢置左右凡所言動略不加疑

復易其姓爲花使爲太尉鎮均州歸北後爲家人誣以欲叛被  
害

徒單兀典資性深刻好以大白居多設親暱爲耳目凡諸官屬  
及民家細事令日報之務爲不可欺累官武勝軍節度使駐鄆  
州尋遷中京留守知金昌府事駐洛陽二城皆其所築且招亡  
命千人號熊虎軍以剽掠南鄙爲事宋人亦時時報復邊民爲  
之騷動正大間爲兵部尚書權徐州行省參知政事自恃得君  
論議之際不少假貸同列皆畏之天興初大兵入僬風移兀典  
行省聞鄉以備潼關復召入授與潼關總帥納合合剽秦藍總  
帥完顏重喜高平都尉苗秀振武都尉張翼及虎威鷹揚葭州  
劉趙二帥軍十一萬騎五千從號入陝遣陝州觀察副使兼規  
措轉運抹撚速也往運同華陝石一帶軍糧行及靈寶北河夾

灘義軍張信侯三集壯士三百餘保老幼立木柵北將忽魯罕  
只攻之不能克遇速也船至卽降大兵乘之遂破侯張殺戮殆  
盡兀典發閩鄉庫藏拜天賞軍日造銀器及兵幕牌卽有李先  
生者諫曰方今大兵俱在河南河北空虛相公可出其不意先  
取衛州彼知我軍在北必分兵北渡京師卽得少寬相公入援  
亦易爲矣兀典大怒謂泄軍機遂斬之時陝州同知內族探孝  
從行省征進兀典授以帥職聽招在城民充軍宣差趙三三名  
偉者亦依探春招募不二日得軍八百餘號破敵軍兀典忌偉  
得衆欲挾詐坑之完顏素蘭力諫乃止尋以倖權與寶軍節度  
使兼行元帥府事軍士各以老幼自隨遷避商賈倚仗兵力亦  
從之行婦女皆強娶之忽值大雪卽日劉趙兩帥叛去明日翼  
軍叛大兵皆追及降之隨軍婦女棄擲幼稚哀號盈路軍至鐵

嶺遇大軍從洛陽西過盧氏方燒廬舍焚積聚慮爲所據反守  
鐵嶺以斷歸路然已數日乏食困憊不支重喜先降斬於馬前  
鄭偁刳首英降不從殺之携其首以降士卒從而大潰兀典合  
閏提數十騎走山間爲追騎所擒皆被殺安平盪寇虜揚振威  
諸都尉及西安金鷄等軍脫走者百縱一二時徒單百家爲關  
陝總帥便宜行事皆撫納之漸及萬人出值買所棄甲仗軍威  
稍振五月總帥副點檢顏蓋復立商州華州人王某立虢州權  
刺史七月復召百家入授代以權西安軍節度使行元帥府事  
阿不罕奴十刺九月鞏昌知府元帥完顏忽斜虎入陝州詔拜  
行尚書省叅知政事復立山寨安撫軍民十月朔又召忽斜虎  
赴南陽留山寺代以金安軍節度使奴十刺時趙偉爲河解元  
帥屯金鷄堡隸陝西行省月給糧贈明年五月麥熟省制令偉

計置兵食權罷月給十月偉軍食盡屢白陝省無糧可給因自  
往永寧勸諭小民往往獻糧或導其發南縣窖藏把隘軍捉控  
言於行省遣趙提控者權元帥守永寧元村寨偉乃還十一月  
冬至大兵攻破其寨密遣總領王茂乘夜殺北城邏卒來號召  
偉軍八百渡河適值奴十刺宴飲不設備踰城而上殺行省以  
下官屬二十一人反誣奏奴十刺等謀反朝廷知其寃而莫敢  
詰就授偉元帥左監軍兼西安軍節度使行總帥府事食盡括  
粟又盡以明年三月降于元同時遇害。張升字進之大同人  
戶工部令史出身山漁陽縣簿遷絳州錄事參軍自言我本小  
人受國家官祿今日遭此不幸我不能從反賊言訖赴水死岸  
上數百人皆嗟惜之及徒單百家鄭西之敗單騎間道入京爲  
上言鐵嶺敗狀。於是籍重喜家貲暴兀典爲罪首。榜之通衢。

弘簡錄卷二百四十一 終

弘簡錄

卷二百四十一

三

金唐官三



弘簡錄卷二百四十二

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金忠節一

胡沙補

徽八特虎雅

酬幹僕忽得

粘剌韓奴

祁宰

溫迺罕蒲堵

移室德訛里也

納蘭綽赤

伯德梅和尙

魏全

鄒陽

石古乃

徒單航

黃桐九住

夾谷守中

石抹元毅

子世勛

王維翰

高守約

和速嘉安禮

移刺古與涅

張順

齊魯揚揚敏中張乞盛

烏古論仲溫

烏古論榮祖

王勝

李演

劉德基王毅

木甲法心

九住

完顏承暉

高霖

烏林荅乞住

馬驥

字木魯福奇吳非傑

吳僧哥

完顏從坦

李革

胡沙補完顏部人年三十五從軍頗見任用時太祖初起畏避

兵使僕剌往遼國。以索阿疎爲名。實觀形勢。僕剌還言遼兵多不知其數。太祖疑曰。彼初調兵。豈能遽集。再造胡沙補往還報。惟四院統軍司與寧江州軍語。以人言汝輩且反。故爲備

耳。及行道中。遇渤海軍八百人向之笑。且言汝輩真亂者耶。太祖喜曰。果如吾言。胡沙補因勸太祖。今舉大事。不可後時。若俟河來則遼兵盛集。必來攻伐。宜乘其未集而蚤伐之。可以得志。太祖深然之。從破寧江州。戰于達魯古城。與特虎皆有功。賜以旗鼓。并御器械。高永昌遣撻不野杓合以幣馬來求援。願併力取遼。太祖使胡沙補撒八往諭曰。同力取遼。固可。東京近地。汝輒據之。以僭大號。可乎。若能歸款當處以王爵。及永昌使係遼籍。女直胡突古來請還。所俘渤海人。太祖怒其表辭不遜。命幹魯進兵。永昌遂殺二人。皆支解之。胡沙補就執。神色自若。罵永

昌曰汝叛君逆天。今日殺我。明日及汝矣。至死罵不絕口。時五十九天會中。俱贈遙鎮節度使。特虎雅撻瀾水人。驅幹雄偉。敢戰鬪。達魯古城之戰。活女已陷。敵急救出之。復攻照散城。先登。敗遼兵三千。攻盧葛營。麻吉。墮馬奮前。獨殺遼兵數輩。掖而出之。屢獲賞賚。後從太祖。自臨潢班師。至遼河。余賄來襲。婁室已引去。特虎獨殿馬。憊步。鬪不止。力又盡。遂没于陣。皇統間。贈明威將軍。

酬幹與僕忽得皆宗室子。酬幹魁偉善戰。年十五。隸軍中。多見任用。初以兵五百敗室韋。俘獲甚衆。僕忽得初事撒改。伐蕭海里有功。人俱擢降。煇俱水部族。以酬幹爲謀克。僕忽得領行軍十戶。從破黃龍府。戰于達魯古城。皆有功。其破寧江州。追復叛者。渤海乙塞補。酬幹又率壽溫路兵。招撫三坦石里狼跋苦。

三水鼈古城邑皆降之天輔五年因往鼈古河籍軍馬燭假木部實里古達等殺二人投其尸水中俱年四十三太祖以皆死於國事深為悼惜遣使弔賻加等六年詔幹魯求得二人尸以葬天眷中贈酬幹奉國上將軍僕忽得昭義大將軍

粘割韓奴以護衛從宗弼征伐賜鎧甲弓矢戰馬皇統四年回紇遣使入貢言耶律大石與其國相鄰詔加韓奴武義將軍遣與其使俱往因觀其國風俗去後聲問絕不復聞大定中回紇移習覽三人至西南招討司貿易自言本國粘拔恩君長撒里雅寅特斯率康里部長孛古及戶三萬餘來內附乞納前大石所降牌印改受本朝牌印詔西南招討司遣通事禿里余睹并阿魯帶至其國見撒里雅得其歸順實意因加慰問其言往年大國嘗遣粘割韓奴自和州往使大石既入其境大石方適野

與韓奴相遇問汝何人敢不下馬對曰我上國使奉天子之命  
來招汝降汝當下馬聽詔大石曰汝軍使來何所取信令人猝  
下使跪韓奴罵曰反賊天子不忍於爾加兵遣來招汝爾縱不  
能面縛請罪闕下亦當盡敬天子之使乃敢反加辱乎大石怒  
而殺之此時大石林牙已死子孫相繼西方諸部仍以大石呼  
之余賂阿魯帶還奏世宗嘉其奉使萬里不辱君命能盡死節  
贈昭毅大將軍遷其子永和縣商酒都監詳古爲尚輦局直長  
加武義將軍汝州巡檢婁室爲武器署直長

祁宰字彥輔江淮人宋季以醫術補官因破汴得之以隸太醫  
累遷中奉大夫太醫使海陵在位數被賞賚常感激欲自效會  
將伐宋宰欲諫不得因元妃有疾名往診視既入見卽上疏其  
畧言國朝之初祖宗以有道伐無道曾不十年蕩遼截宋當此

之時。上有武元文烈英武之君。下有宗翰宗雄謀勇之臣。然猶不能混一區宇。舉江淮巴蜀之地。以遺宋人。况今謀臣猛將。異於曩時。各安土宇。師出無名。加以大起徭役。營中都建。南京繕治甲兵。調發軍旅。賦役煩重。民人怨嗟。人事不修。天時不順。間者星彗見於牛斗。災惑伏於翼軫。已歲自刑。害氣在揚州太白。未出進兵者。敗兼以地利不便。舟師水泐。舳艫不繼。江湖島渚之間。騎士馳射不可驅逐。言甚激切。海陵怒命戮於市。籍其家。產天下哀之。仍杖其壻。蔡戩以奏疏乃戢爲之。實不知也。因名禁中諸司局官至咸德門。諭以殺宰事。世宗卽位。贈宰資政大夫。復其田宅。章宗詔訪其子忠勇。校尉平定州酒監公史。擢尚藥局都監。泰和初。詔定功臣謚。有司拘文以職。非三品不在議謚之例。尚書省椽李秉鈞上言。事有宜緩而急。若輕而重者。名

教是也。伏見當海陵時，居尚官，食厚祿，者不爲無人，皆畏罪。洪  
忍曾不敢中一喙，盡一策，以爲社稷計，卒死，立名，死節之士，顧  
出於醫卜之流，亦可以少愧矣。夫有非常之人，當待以非常之  
禮，乞詔有司，特賜諡，以旌其忠。斯亦助名教之一端也。制可下。  
太常諡曰忠毅。

溫迪罕蒲睹與移室憇俱速頻屯憇歡春人徙上京，忽論失懶  
蒲睹爲兀者羣牧使，契丹撤八反，諸羣牧皆應之。蒲睹獨結迪  
斡羣牧使徒單賽里副使赤盞胡失荅歐里不羣牧完顏朮里  
斤副使完顏辭不失卜迪不部副使赤盞胡失賴速木典札詳  
穩加古買住胡睹札詳穩完顏速沒葛轄木札詳穩高彭祖等  
陰爲之備。遷家奴材勇者，給以兵仗，賊不得發，佯爲降服。隨設  
計，給諸奴官，閱兵仗，願借以應。諸奴信以爲然。明日，賊至，遂無

以禦賊執蒲睹問曰今尚能反未荅曰家世受恩子姪皆仕宦不能從汝反累吾族也賊怒鬻而殺之時子與孫與前諸羣牧詳穩皆遇害移室懋性忠正強毅善騎射膂力過人以兄木華國初有功授世襲謀克皇統初遂襲兄職積戰功爲洮州刺史兄子幹魯古已長讓避之宗弼以爲難改刺貴德州歷移典乳詳穩烏古里部族節度使改德昌軍會正隆南伐秦州猛安定遠阿補以所部叛還與七謀克執之勒其衆以付大軍契丹反率數千人殺賊萬餘于伊改河以功遷臨潢尹世宗卽位子姪安遠幹魯古斜普兄弟咸具甲仗往迎賜以手詔令招白彥敬紇石烈志寧其家皆在南京恐或遷去兼起異謀并招誘都監老和尚不知朕已卽位卿可使人往諭如來降悉令復舊邊關之事可設耳目時窩斡已反領兵數萬來攻諸路軍尚未至獨



領守城士六百邀擊凡數接戰勦殺甚衆所乘馬中流矢而仆  
爲賊所執使人諭以爾生死在頃刻能往招城中出降官爵如  
故不然殺汝移室慙怒罵曰我受國家爵祿肯從汝叛賊乎迨  
脅至城下其妻子官屬將士皆登城臨望向前厲聲曰賊無能  
爲我恨軍少不能滅賊人生會有一死汝輩慎勿降毋以我故  
敗國家事賊怒殺之 又契丹人訛里也爲尚鹿局直長應奉  
翰林文字使招諭窩斡叱令跪見不從曰我朝廷使豈可屈節  
於汝汝等早降可全性命若大軍至汝輩悔將何及賊怒曰汝  
本我族類不早從我敢出是言亟害之從行驍騎軍士問孫史  
大習馬小底頗荅皆被害大定三年同贈宣武將軍各錄其子  
餘皆贈修武并忠翊校尉

納蘭綽赤咸平路伊改河猛安人契丹括里將入使人招之不

從兵至綽赤團結旁近村寨爲兵出家馬百餘匹給之教以戰陣擊刺之法相與拒于改渡口由是賊衆月餘不得進旣而兵四萬大至衆寡不敵遂見執轡而殺之詔贈官兩階二子皆得廢曹珪徐州人大定四年州人江志作亂珪子弼在賊寨中珪謀誅志并弼殺之尚書省議當補二官雜班敘上以所奏未當詔珪赤心爲國大義滅親自古罕聞更進一官正班用之伯德梅和尚秦州人性鯁直尚氣節正隆五年收充護衛十人長累授曷魯枕翠牧并尚廐局副使遷本局使轉右衛將軍拱衛使典尚厯十餘年出爲復州刺史明昌初由西北路副招討升秦州防禦武勝軍節度使六年移崇義軍時有事北邊行省夾谷清臣檄爲臨潢副統會敵入暨護衛湖合上等領軍逆擊直搗敵陣殺傷甚衆敵知孤軍無繼聚兵圍之度不能免乃下

馬相背射復殺百餘人。矢盡猶以弓提擊爲流矢所中。與闕合土等皆沒。上聞之震悼。詔贈龍虎上將軍。顯遷十階。賜錢二十萬。命以禮葬之。以其子都奴爲軍前猛安。中奴護喪。差同知臨潢府李達可勅祭使同知德昌軍石抹和尚爲勅葬使。上諭梅和尚死王事。命其子都奴爲典署丞。

魏全壽州人。泰和六年。宋李爽圍壽州。刺史徒單義盡籍城中兵民及部曲。所役得三千餘人。隨機拒守。義善撫御。得衆情。婦人皆樂爲用。同知滿烈古中流矢卒。義益勵不衰。募人往砍爽營。全在選中。爲爽兵所執。至死罵不絕口。僕散揆遣河南統軍判官乞住及買哥等以騎二千人救壽州。與爽兵遇。乞住分兩翼夾擊。梁義出兵應之。爽兵大潰。斬首萬餘級。赴淮死者甚衆。爽與其副田林僅脫身走。詔遷義防禦使。乞住同知武昌軍節。

度使事買哥河南路統軍判官贈蒲烈古昭勇大將軍贈魏全  
宣武將軍蒙城縣令封其妻爲鄉君賜錢百萬俟其子至十五  
歲收克八貫石正班局所贈官蔭以全飾送史館鏤諭天下  
鄆陽者係宗室子爲符寶祗候完顏石古乃爲護衛十人長至  
寧元年八月紇石烈執中作亂入白通玄門是日變起倉猝中  
外不知所爲鄆陽石古乃往天王寺召大漢軍五百人赴難與  
執中戰於東華門外執中兵衆大潰軍少須臾殺五百人殆盡  
執中死詔曰護衛石古乃校尉鄆陽忠孝勇果沒于王事石古  
乃贈鎮國上將軍順州刺史鄆陽贈宣武將軍順天軍節度副  
使嘗從拒戰猛安謀克散軍遷賞有差沒者贈賞其家石古乃  
子給八貫石俸俟年十五以聞

徒單航一名張僧父號九駙馬至寧元年胡沙虎弑逆降航爲

安州刺史會北兵大至城下聲言都城已失守汝可速降航謂其民曰城守雖嚴萬一攻破汝輩無孑遺矣我家兩世駙馬受國厚恩決不可降汝輩計安出乃盡以家財犒軍民皆盡力備禦又五日航度城不可支乃先縊其妻孥謂家人曰我死卽撤屋焚之遂自縊死城破軍民猶力戰曰太守旣死我輩不可獨降死者甚衆黃摑九住臨潢人以蔭補令史調安肅州軍事判官明昌四年轉大理執法出爲薊州軍事同知累遷鄴王府司馬河東北路按察轉運使改知彰德府事遇元兵戰歿贈榮祿大夫南京留守仍錄用其子孫

夾谷守中咸平人本名阿土古大定二十二年登第歷清池聞喜二簿尚書省令史刑部主事監察御史修起居注轉禮部員外郎大名治中歷嵩深北京臨洮路按察副使以憂起服曷懶

路兵馬都總管同知坐事謫韓州刺史尋復平涼府同知大安  
二年爲秦州防禦使遷通遠軍節度使夏兵數萬入鞏州乘城  
備守兵少不能支城陷官吏盡降獨守中不屈夏人壯之且誘  
且脅其志益堅遂戰而西至平涼要以招降府人佯許之至城  
下卽大呼曰外兵矢盡且近慎勿降夏人交刃殺之典定元年  
監察御史郭著以問詔贈資善大夫東京留守仍收其子兀母  
爲筆硯承奉

石抹元毅本名神思咸平府路酌赤烈猛安莎果歌仙謀克人  
往沈厚武勇過人每讀書見古人忠義事未嘗不嗟歎賞慕喜  
勳顏色初膺補吏部令史調景州寧津令有劇盜白晝恣劫爲  
害元毅以術防捍賊散去入爲大理知法除亳州防禦同知省  
檄錄陝右五路刑獄無冤人復委受宋歲幣却故事私遺物明

昌初名爲大名等路提刑判官以最遷汾陽軍節度副使時嵐石間賊黨嘯聚肆行剽掠朝廷命捕之賊畏而遁追襲盡殲之二境以安遷武勝軍節度同知訊別郡殺人者屢鞠不伏不數語具服之河東北路田多山坂硠瘠舊定爲上賦民力久困至是命相地更賦平以三壤法民賴其利改彰德府治中承安二年北邊有警授撫州刺史會邊將失守芻糧馬牛焚掠殆盡方率吏卒出州數里經畫軍餉猝遇敵號令其衆上前力戰敵去而復合猛氣愈厲射無不中久之衆寡不敵元毅遂遇害年四十七事聞上驚悼贈信武將軍收克其子世勣侍儀司掌執五年登詞賦經義兩科進士奏名之日上與宰臣歎賞者久之世勣字景略幼勤學爲文有體裁貞祐三年累官太常丞預講議所事上言徙河北軍戶議給以荒閑之田及牧馬地其始耕

墾費力當倍一歲尚不能熟若奪民素蔭者與之彼此大所且啓不和之端况軍戶率無耕牛彼既南來所捐田宅爲人所有一旦北歸能無爭奪切謂宜令軍戶分人歸守本業收其晚禾至春復還爲固守計上悟乃罷之未幾遷金安軍節度同知興定二年華州元帥完顏合達令世勛副前平涼同知卓魯回蒲乃速爲參議官上謂蒲乃速但能承奉人餘無所長非如世勛可任以事且華爲要鎮而輕用其人或致敗事遂獨用之尋爲左司郎中每以畏避繁劇私囑治籍吏冀改他職奪官解任元光元年起爲禮部侍郎轉司農并太常二卿正大中爲禮部尚書兼翰林侍講學士天興元年冬哀宗將北度世勛率朝官劉肅田芝等二十人求見仁安殿上曰我不出軍分爲二一軍守一軍出戰我出則軍合爲一世勛曰陛下出則軍分爲三一守



一戰一中軍護從不若不出爲愈上曰卿等不知朕若得完顏仲德恒山公武仙付之兵事何勞親出今日惟官奴統馬軍三百劉益將步兵五千欲不自將得乎乃涕泣指所坐御榻曰朕此行豈復有還期但恨朕未嘗奢侈并信任小人世勣應聲曰若小人亦有之上問謂誰因與肅等悉數移刺粘古溫敦昌孫兀撒惹完顏長樂數人惟陛下不知所以用之遂命從行白蒲城至歸德明年次新蔡縣之姜寨遇其子嵩時爲縣令拜於馬前上喜其父子遭亂後始相見授嵩應奉翰林文字嵩字企隆興定二年經義進士蔡城破父子俱死

王維翰字之翰利州龍山人父庭遼季率縣人保縣東山後以衆降維翰好學不倦與高守約和速嘉安禮俱登大定二十八年進士調貴德州軍事判官察廉遷永霸令縣素健訟豪猾嘗

設事陳訴維翰窮究杖殺之俗始衰息歷弘政獲嘉令佐胥持  
國治決河有勞改北京轉運戶籍判官補尚書省令史除保靜  
軍節度同知檢括戶籍一郡稱平屬縣有奴殺主反誣其弟微  
行物色盡得奸狀奴遂引服改中都轉運副使歷侍御史左司  
員外郎從僕散揆伐宋爲行省左右司郎中久之遷大理卿兼  
路王傅同知審官院事大安初權右諫議大夫轉運使中丞歷  
工刑二部尚書拜參知政事貞祐初能爲定海軍節度使阻山  
浮海至鎮且無兵備孤城不可守鄰郡皆望風奔潰乃縱百姓  
避難獨率吏民願從者奔東北山結營壘自守力窮被執與妻  
姚氏皆不肯屈俱死贈中奉大夫妻芮國夫人諡貞潔 高守  
約字從簡遼陽人累官觀州刺史貞祐元年元兵徇河朔郭那  
獻已歸順從至城下呼守約當計全家室守約弗顧至再三乃

厲聲曰吾不汝識也城破被執使之跪不屈遂死詔贈崇義軍節度使諡忠敬

和速嘉安禮字子敬本名酌大名潁悟博學淹貫經史至寧末爲秦安州刺史山東被兵郡縣望風而遁有勸之曰此孤城耳內無糧儲外無兵援不去將無遺類矣答曰我去城誰與守我不忍避難負國家恩益團練民兵繕完城郭爲禦守計與元兵戰旬日不能下城破被執初亦不識爲誰或妄以酒監對自言我刺史也何以諱爲使之跪不屈以戈撞其脅而殺之詔贈秦定軍節度使諡堅貞及破密州安化軍節度使移刺古與涅率兵力戰流矢中其頸拔去復中共殞死焉贈安遠軍節度使知益都府

張順本淄州士伍時州被圍行省侯驍遣總領王庭玉將兵救

之募願等三十人往覘兵勢且欲令城中知援兵至乘夜潛至城下爲敵所執使宣言行省軍敗績庭玉亦死宜速降順陽爲許諾旣乃嘆曰得爲忠孝鬼足矣呼曰外兵無多王提控軍且至堅守毋降兵刃交下遂死淄人知救兵至以死堅守城賴以完後贈宣武將軍棣州防禦同知詔有司給養其親且訪其子孫優加任用 及貞祐初元兵復取淄州時軍事判官齊鷹揚與屯留縣尉致仕楊敏中淄州民張乞驢募兵備禦城破三人率衆巷戰創甚被執欲降之不肯屈同守者稍怠卽起奪衆殺數人而死事聞詔贈鷹揚嘉議大夫淄州刺史敏中昭勇大將軍橫海軍節度同知乞驢宣武將軍淄州軍事同知同立廟以時致祭焉

烏古論仲溫本名胡刺蓋州按春猛安人大定二十五年進士

累官太學助教應奉翰林文字河東路提刑判官御史薦其稱職轉河北東路轉運副使歷順天武興軍節度同知上京東京等路按察司簽事復奏曠職改提舉肇州漕運同知鎮寧軍節度副使轉東勝與滑州刺史累遷河東南路按察副使壽州防禦使貞祐初遷鎮西軍節度使時中都被圍約以鄉兵赴救移背安撫使賈益謙同會于絳抵平陽不能進仲溫嘗治平陽吏民爭留之語曰平陽巨鎮易爲守禦若以於私計得矣如嵐州何遂還鎮已而元兵大至城破不屈而死贈資德大夫婆速路兵馬都總管諡忠毅歲時致祭

烏古論榮祖本名福興河間人與王晦俱登明昌二年進士歷補尚書省令史除都轉運司都勾判官轉弘文校理升中都總管府判官察廉除震武軍節度副使彰德府司馬累遷戶部員

外郎寧海州刺史貞祐二年城破力戰死之贈安武軍節度使  
賜諡毅勇 王晦字子明澤州高平人少負氣慕張詠爲人詞  
長苜主簿有能聲察廉累除遼東北京兩路轉運司都勾戶籍  
判官遷安陽令陝西西路按察簽事改平涼治中召爲少府少  
監至戶部郎中俾募死士萬餘衛送通州粟入中都有功遷霍  
王傳薦舉將才使守順州通州圍急晦攻牛欄山以解之賜賚  
優渥就加翰林侍讀學士并勸農使九月順州受兵晦有別部  
屯于滄景乃突圍召之主者不肯發故部王臻免胄出見且拜  
曰事急矣何爲自苦苟能相從可不失富貴晦曰朝廷何負汝  
耶臻曰臻雖負國不忍負公因泣下晦叱曰吾年六十致位三  
品死則吾分詎從汝耶將射之臻掩泣而去無何將士縋城出  
降晦被執謂其愛將牛斗曰若能死乎斗曰蒙公見知安忍獨

生皆不肯降因併見殺詔贈榮祿大夫樞密副使命有司立碑歲時致祭錄其子汝霖爲筆硯承奉

李演字巨川任城人泰和六年進士第一除應奉翰林文字居內外艱任城被兵濟州刺史召以墨衰盡守禦策召集市人爲兵搏戰三日衆不能戰悉逃散演遂被執大將知其名問曰汝非李應奉乎荅曰是也撫以好語許之官祿辭曰我本書生官祿自致何利於人大將怒倅之跪不聽擊折其脛曳出害之時年三十餘贈濟州刺史詔有司特爲立碑 又大興人劉德基

王毅俱登經義進士德基守官邊邑夏兵攻城積薪厲事之傍語家人曰城破卽焚我未幾果破家人不忍縱火遂被執脅使跪降不屈同僚給曰此人素有狂疾故敢如此爭曰爲臣死忠理當如此吾豈病狂者耶夏人壯之因繫諸獄冀其改圖始終

無變遂害之贈朝列大夫通遠軍節度同知王毅累官東明令元兵圍急率民拒守城破猶拒戰力窮被執與縣人願戰者王八等四人同驅郭外先殺二人王八卽前跪將降毅以足踏之厲聲曰忠臣不佐二主汝乃降乎驅殺者以刃斫其脛竟不屈而死贈曹州刺史

木甲法心薊州猛安人官至北京副留守貞祐二年爲提控與順州軍事同知溫迪罕咬查刺俱守密雲縣時因多故留家屬薊州元兵得之以示曰若速降當以付汝否則殺之荅言吾事本朝受厚恩戰則速戰終不能降豈以家人死生爲計耶城破死于陣咬查刺被執亦不屈而死又盤安軍節度判官蒲察紇舍與難澤縣令溫迪罕十方奴同守薊州衆潰而出二人死之詔贈法心開府儀同三司樞密副使封宿國公咬查刺鎮國上



將軍順州刺史。亂舍金紫光祿大夫。十方奴鎮國上將軍並薊州刺史。同時宗室子九住。平時嘗誓以死報國。不恤其家。及爲武州刺史。元兵取其家屬。抵城下。語之曰。山東河北。今皆降我。汝早降。全其家屬。遲卽殺之。九住不顧。城破。與軍事判官唐括孛果速力戰。不屈而死。詔贈九住臨海軍節度使。驃騎上將軍。孛果速。遼州刺史。鎮國上將軍。與前俱。令樹碑。歲時致祭。

完顏承暉。字維明。本名福興。好學。淹貫經史。襲父益都尹。鄭家塔。割刺訛沒謀克。大定十五年。選充符寶。祇候。遷筆硯直。長調中都右管巡使。章宗爲皇大孫。選充侍正。卽位。進近侍局使。嘗夜詔開宮門。名孝懿。皇后妹。夫吾也。藍承暉不奉詔。明日奏吾也。藍得罪先帝。不可名。上善之。未幾。遷兵部侍郎。兼右補闕。遷除東京。延平等路提刑副使。豪猾屏息。改上京留守。同知歷臨。

海利涉遼海三軍節度使至北京路提刑使知延平臨潢二府副李東陽爲北京留守東陽素驕貴自非公事不與交一言作爲刑部尚書兼知審官院駁奏平章徒單鎰甥余里痕都以蔭得官別無才能前爲大陽渡譏察纔八月擢惠民司都監已爲太優今乃超授隨朝八品織染署直長多涉物議上召鎰深責之尋知大典府權貴頗不樂復改知大名府雨潦害稼爲決引潦水納之濼陞伐宋遷山東統路軍使會有盜起奏猛安謀克以下皆得權行的決俟事定依例奏聞俄招降賊魁餘黨潛匿秦山按察使請刊除林木深入勦捕奏以五岳之宗不宜擅伐矧齊人易動驅以入山誨之使盜議遂寢改知典中府衛紹王立名爲御史大夫拜參知政事駙馬徒單沒烈與其父南平干政事大爲姦利而質其非俄進宣德行省尚書左丞坐參政承

裕敗績于會河堡除名至寧元年起爲橫海軍節度使貞祐初  
召拜尚書右丞卽日入朝妻子留滄州城破皆死胡沙虎伏誅  
拜平章政事兼都元帥封鄒國公中都被圍遣山議和遷汴進  
右丞相金紫光祿大夫徙封定國公與皇太子留守中都頃之  
太子去蒲察七斤以其軍出降城中皆無固志承暉以死固守  
恐不能持久遣人問道以綦寫奏若一失中都遼東河朔皆非  
我有諸軍倍道來援猶冀有濟詔乃趣諸路兵糧俱往赴救高  
拱忌其成功所遣左監軍刑部侍郎阿典宋阿右都監真定女  
奚烈胡論出行六部尚書侯摯往來顧望終無一兵至者隨聞  
抹撚盡忠謀向南奔亟召帥府經歷完顏師姑問曰始我謂盡  
忠知兵故推赤心相托嘗許與我同死今忽異議社稷若何師  
姑不能對叱下斬之承暉起辭家廟召左司郎中趙思文語之

日事勢至此。惟有一死可以報國。作遺表付本省令史師安石引咎自歸。論國家大計。辨君子小人治亂之本。歷指高琪賦性陰險。報復私憾。竊弄威柄。包藏禍心。終害國家。盡出財物。隨家人年勞多寡。分之各與。從良皆號泣不敢仰視。徐仰藥死。貞祐三年五月二日也。宣宗聞之。設奠於相國寺。哭之盡哀。贈開府儀同三司太尉尚書令廣平郡王諡忠肅。前妻子已死。以從兄子歷亭縣丞永懷爲後。錄爲器物局直長。孫撤速爲奉御。承暉生本貴侈。居常類寒素。於五經皆經師授。謹守而力行之。不爲虛文。師法司馬光尚友蘇軾。每置二人像於書室。平章完顏守貞素敬之。與爲忘年交。同時兵馬都總管高霖字子約。東平人。大定二十五年進士。調符離主簿。察廉遷四水令。安國軍節度判官。父憂還鄉教授。生徒恒數百人。服除。改絳陽軍。薦爲國

史編修建言黃河所以爲民害者皆以河流有曲折適逢隘狹故致湍決今若開雞爪河以殺其勢可免數埽之勞凡捲埽工物皆取於民大爲埽病乞並河隄廣樹榆柳數年之後隄岸既固埽材既便民力漸省朝廷從之遷應奉翰林文字改監察御史母憂起服太常博士改都水監丞至少監陝西路按察簽事體訪官員能否凡因南征調發稽滯失誤軍期者皆言其枉出之大安初爲耀州刺史三年遷河北東路按察副使改韓王傅兼翰林直學士崇慶初拜工部侍郎至寧元年八月霖奉儲轡迎宣宗至新城勅遣南近諸妃既至賜錢千貫遷官三階二年除河平軍節度使請城宜村爲衛州以護北門上從之入爲兵部尚書知大典府事俄權中都行省參知政事南奔時與子襄傑率其徒夜出不能進因語襄傑汝可求生吾死於此遂自殺

義傑伏羣屍中以免贈翰林學士承旨令立碑鄉里歲時致祭  
訪其子孫錄用諡曰文簡

烏林荅乞住大名路猛安人登大定未進士累官尚書省令史  
除山東提刑判官英王府司馬御史臺薦舉稱職改太原府治  
中陝西按察簽事歷汝沁二州刺史北京臨潢按察副使蒲與  
路節度使未幾罪奪三官降德昌軍節度副使崇慶初戍邊有  
功遷一官賞銀百兩重帶十端轉利州刺史貞祐初累成王府  
同知歸德興平二軍節度使就充東面經畧使改元帥右都監  
赴授中都戰歿贈榮祿大夫參知政事給其家半俸

馬驥揚城人登進士歷官有聲貞祐三年爲曹州濟陰令元克  
曹州驥被執軍卒榜掠求金荅以吾書生何從得又使跪曰吾  
膝不能屈欲殺卽殺惟願爲大金鬼足矣遂死贈朝列大夫秦

定軍節度副使仍樹碑于州四時致祭其子惟賢收補八貫石局分元兵又攻唐邑主簿李木魯福壽與戰死之贈官三階賜錢五百貫又攻日照縣時登州軍事判官吳邦傑寓居木縣村墅爲兵所得驅令攻城辭以吾荷國恩詎忍反攻與之酒食不顧乃殺之詔贈朝列大夫定海軍節度副使

吳僧哥西南路唐古乙刺札上沙鷲部落人拳勇善騎射大安間選籍爲兵俄充馬軍千戶有功遷萬戶權順義軍節度使貞祐初朔州失守僧哥復取之真授節度同知弟迪刺節度副使燕曹兒節度判官提控馬壽兒以下遷授有差衆苦乏食乞賜糧十五萬斛朝議謂應州已破朔爲孤城勢不可守遷軍民九萬餘口分屯嵐石隰吉絳解之間未行適元兵至兄弟力戰七晝夜有功遷授太原府同知兼知節度事迪刺石州刺史曹兒

尚嵐州防禦同知四年始遷其民且戢且行數十里力憊而死  
時年三十詔贈鎮國上將軍順義節度使

完顏從坦宗室子大安中充尚書省祇候郎君貞祐三年自募  
義兵數千從提舉奉先范陽三都統兵除涿州同知遷刺史佩  
金牌經畧海州頃之充宜差都提控安撫山西軍民應援中都  
上書言九事一絳解二州僅能城守連歲不登人多艱食願罷  
大陽等渡禁約許粟麥過河村落小民咸得以濟二絳解河中  
必爭之地令寶昌軍節度使從宜規畫鹽池地利以實之則民  
受其利兵可以強三中條山南垣曲平陸芮城虞鄉乃河東形  
勢陝洛襟喉可分陝州步騎萬二千人爲一提控四都統分戍  
四縣此萬全之策四平陸產銀鐵若以鹽易米募工鍊冶可以  
廣財用備戎器且小民備食因以息盜五河北貧民渡河逐食



已而復還艱苦殊甚當抑止苛暴之吏誅求大弊六河南陝西  
調度未急宜擇騎軍北馬羣牧不二三年可增數萬軍勢自振  
七諸路印造寶鈔久而益多必將積滯止於南京印造給降庶  
可久行八河北職任雖除授不次人皆不願凡以物價十倍濟  
南祿廩虛估難免困蹙若給實俸之半少足養廉則可責其効  
九河南官吏但遇河北官類以貶逐目之乞行禁止書奏下  
尚書省議事多施行四年行樞密院于河南復上書用兵累年  
出輒無功士庶且充行伍况于皇族義同休戚皆當從軍親冒  
矢石爲士卒先以少寬聖主之憂族人道哥實同此心願隸臣  
麾下宣宗嘉其忠許之興定元年改輝州刺史權河平節度使  
孟州經畧使萬戶宋子玉率所部叛斬關而出追擊敗之其黨  
邢福殺子玉以其衆降悉放歸農又奏養兵所以衛民今諸路

兵皆入城自守百姓耕稼失所臣計河朔諸郡惟真定河間可留其衆扞城其餘州郡皆當散屯于外以爲民防俟稼穡畢功然後移于屯守之地從之尋授東平府同知權元帥左監軍與李革俱守平陽元兵破太原河東郡縣皆不守上言平陽河東根本河南之藩籬也今行省兵不滿六千乞併懷孟衛中諸屯以實潞州調澤州沁水端氏高平諸兵並山爲營以爲聲援未報是月壬子元兵圍城提控郭用戰于城北被執不屈而死癸丑城破從坦自殺贈昌武軍節度使李革字君美河津人父餘慶廷試不第革少穎悟書一再誦輒記不忘大定二十五年登第調真定主簿察廉遷韓城令州同納富商賂以歲課軍須配屬縣革獨不聽提刑可旌其能遷河北東路轉運都勾判官轉太原推官丁內外艱起復知大興縣歷中都左警巡使南京

提刑判官秦和中爲監察御史昭毅軍節度同知簽南京按察  
事尚書省奏與山東簽事孟子元體訪官員能否赴闕奏事改  
刑部員外郎調觀州刺史兼提舉漕運陝西西路按察副使入  
爲大興府治中府尹徒軍南平貴倖用事勢傾中外常遣所親  
以進取誘革拒之貞祐二年遷戶部侍郎行河北西路六部事  
兼知開封府河南勸農使戶吏二部尚書陝西行省參議官四  
年拜參知政事元兵破潼關以失備禦上表請罪罷爲絳陽軍  
節度使典定元年改知平陽府事兼河東南路兵馬都總管太  
原兵後闕食革移粟七萬石以濟二年宣差粘割梭失至河東  
移牒行省預備清野革奏今歲雨澤及時秋成可待今晚禾尚  
未熟如令毀耕民將不堪詔從之十月平陽被圍徵兵吉陽霍  
三州不特至裨將李懷德絕城山降旬日出戰傷者過半兵自

弘簡錄 卷一百四十二  
城東南入左右請華上馬突圍出歎曰吾不能保此城何面目  
見天子汝輩可去卽自殺贈尚書右丞

弘簡錄卷一百四十二終